

反知劣篋反苦估挑土恒下丁達反洲下渚下
 反呂怨敵徒的及下擲水上音

阿毗達磨大毗婆沙論卷第一百二十五 性五

五百大阿羅漢等造 三藏法師玄奘奉 詔譯

大種蘊第五中具見納息第三之二
 生欲界作色界化乃至廣說問何故作此論
 答欲止他義顯已義故如譬喻者作如是說
 諸所化物皆非實有若實有者云何名化大
 德亦言化非實有是修所現如屍起作鬼呪
 所為為止如是所說意趣顯諸化事皆是實
 有由此等緣故作斯論
 生欲界作色界化發色界語彼身語色何大
 種所造答色界繫生色界作欲界化發欲界
 語彼身語色何大種所造答欲界繫以有漏

所造色皆同分界地大種所造故然所化身
 差別有八謂生欲界作欲界化有二種一似
 自身一似他身作色界化亦有此二及生色
 界作色界化有二種一似自身二似他身作
 欲界化亦有此二是謂八此中但依二種作
 論謂生欲界作色界化及生色界作欲界化
 似他身者問何故此中但依二身作論答彼
 作論者意欲示故隨彼意欲而造論但令不
 違法相不應責其所以有說惟此二身微細
 難見難了是故偏說有說惟此二身最難現
 前藉多加行方能起故有說此於世間難可
 信受謂誰能作他界他身有說此二最為希
 有謂能化作異界異身是故偏說諸變化心
 摠有二種一欲界繫二色界繫或為五謂欲
 界四靜慮繫或為十二即十二種能化者心
 謂得初靜慮果者乃至得第四靜慮果者各
 有三種何等為三一異生二有學三無學復
 有說三一外法異生二內法異生三聖者復

有說三謂三位得一離染時得謂離下染得靜慮時二得果時得謂得無學果時三練根時得謂轉根作見至不動時或分十四謂欲界繫有四即四靜慮果初靜慮繫亦有四如欲界說第二靜慮繫有三即上三靜慮果第三靜慮繫有二即上二靜慮果第四靜慮繫有一即第四靜慮果以下地心羸劣故不能於上地化或分十五謂五地繫諸變化心各有上中下品有說得五地變化心者各有三類謂異生等如前說或復分為四十二種謂前十四各有上中下品有說得十四種變化心者各有三類謂異生等如前說

諸作欲界化彼身還似欲界有情諸作色界化彼身還似色界有情問所作化身幾處所攝若生欲界作欲界化自身他身皆四處攝謂色香味觸作色界化自身他身皆二處攝謂攝色觸若生色界作色界化自身他身皆二處攝作欲界化自身他身皆四處攝如

前說有說若作他身則四處攝若作自身惟二處攝勿彼成就香味處故如是說者雖化香味無成就失如人衣服嚴具華香雖復在身而不成就

問若生欲界作欲界化初靜慮果作色界化初靜慮果如是二種誰劣誰勝答此二運轉等無差別然色界者界勝故勝問若生欲界作欲界化第二靜慮果作色界化初靜慮果如是二種誰劣誰勝答欲界者運轉勝以彼從欲界乃至第二靜慮能往還故色界者界勝以色界法勝欲界故問若生欲界作欲界化初靜慮果作色界化第二靜慮果如是二

種誰劣誰勝答色界者二事勝一界勝二運轉勝如說生欲界作欲色界化初第二靜慮果相對辯勝劣如是生欲界作欲色界化初第三靜慮果初第四靜慮果第二第三靜慮果第二第四靜慮果第三第四靜慮果相對辯勝劣准前問答如理應思如生欲界如是

生初靜慮生第二靜慮生第三靜慮隨其所
應當思廣說

問如生初靜慮者有能發起身語表心故令
所化身作往來等種種作用上諸靜慮無如
是心化主生彼所化云何有往來等用答如
生初靜慮以發起表心令化身轉作往來等

用如是生上諸靜慮亦以初靜慮發起表心
令所化身起往來等用如眼識等有餘師說
諸所化身無往來等種種作用但默然任由
化主力令彼似有往來等事如帝網戲非有
現有問化事起時為必有依託方得現耶為
復不尔有說化事必有依託謂必依於木石

塊等化主方能作所化事有餘師說若初起
通者所起化事要有所假若通慧滿者無所
依假能起化事

問為一心一化為一心多化若一心一化經
頌所說當云何通如說

一化主語時 諸所化皆語 一化王若默

諸化皆默然

若一心安化施設論說復云何通如說神境
智證通云何加行以何方便起神境智證通
答彼初業者習世俗定令極自在極自在已
起令現前由現前上於神境通便能引發從
彼乃能隨起一化起一化事尚尔許心況復

多耶有作是說一心一化問所引經頌當云
何通答先以多心祈多化語後以一心令語
俱發前多心是轉後一心隨轉有餘師說一
心多化問彼施設論當云何通答若初起通
者一心一化若通慧滿者一心多化問於一
心中所起化事為必同類亦異類耶有說必
同類化謂作象時不作馬等有說亦異類化
謂初起通者一心但能作一類物若通慧滿
者一心能作象等四軍

問已知修所成化事為亦有生得化耶有說
無以生得心勢用劣故但能轉變令似異本
有說亦有然惟能作自身非餘問若尔云何

性五

四

通經所說如契經說有三魔女各各化作多
百女身所謂童女產未產女中女老女其數
各百又自化身種種嚴飾為惑媚故諸菩薩
所謂菩薩曰可起沙門我等今來願相適事
菩薩不受尋令彼身作衰老形羞慙而退答
即依魔女異熟身上化作前說多百女身如
拘執毛不離拘執如是說者生所得心自身
他身俱能化作云何知然曾聞尊者鄒波耄
多端身靜慮魔為燒拈便以華鬘冠尊者頂
尊者出定驚恠念言此誰所作尋即知此是
魔所為為調彼故即以神力化作三屍繫魔
王頸所謂死蛇死狗死人於是魔王極懷慚
耻種種方便欲去不能所繫三屍纏遶其頸
轉急轉臭魔既無聊倍增惶恐為脫屍故便
陷入地更出騰空又沒大海水中復入蘇迷
盧腹盡力擺突終不能去魔既困弊自度力
窮漸歷六天求欲免脫既不能得往梵宮邊
請大梵言惟願哀愍解我頸上仙人所辱梵

王告曰吾不能去可還歸依本繫汝者魔聞
此已下瞻部洲五體歸誠禮尊者足白言大
德惟願慈悲赦我前愆去尊所報尔時尊者
鄒波耄多徐告魔言吾知時矣魔重誓首謝
過求哀請示何時為除所辱尊者告曰汝能
從今乃至如來聖教未滅更不惱亂諸苾芻

性五

五

不魔曰唯然當如教勅請更誨示惟尊所為
尊者復言向為佛法然有私願今欲請為魔
曰惟命尊者告曰佛涅槃後經于百歲我身
乃生如來法身吾今已見所未見者謂佛生
身仁今頗能為我現不魔曰此事甚易我能
為之願尊見時勿便致敬令我獲罪尊者曰
尔即時為魔解去三屍魔王歡喜謝尊者已
便入林中即自化身作如來像三十二相八
十種好威光赫奕過千日輪復更化作諸苾
芻衆右舍利子左大目連尊者阿難持鉢隨
後又與阿若多憍陳那等千二百五十人俱
如半月形從林而出時尊者鄒波耄多見已

歡喜得未曾有以淳淨意如斷根樹莫能自
 持不覺投身禮魔雙足魔王悚懼尋滅化身
 由此故知生所得慧亦能化作自身他身問
 即彼尊者鄔波龜多於他事中所得自在過
 俱胝倍勝彼魔王尊者何緣不自化作而苦
 求請魔王作耶答於修所成尊者自在於生
 得化不及魔王欲試魔王生得化力是故請
 彼化作佛身有說修所得化尊者自得不生
 希有生所得化尊者不得生希有心欲寄魔
 王觀生得化是故求彼令作佛身有說尊者
 深心敬佛若自化作恐敬心不勝是以令魔
 作之有說尊者少欲若自化作恐天人等謂
 已是佛極加敬養般涅槃後諸天世人供養
 悲哀同佛滅度是以但請魔作問修得生得
 二種變化云何差別答所化無別但修得者
 淨速圓妙非生所得有說生得心化惟依自
 界身修得心化通依自他界身
 問有留化事不若有者佛何故般涅槃時不

留化身令於滅後住持說法饒益有情若無
 者何故尊者大迦葉波已般涅槃留身久住
 曾聞尊者大迦葉波入王舍城最後乞食食
 已未久登雞足山山有三峯如仰雞足尊者
 入中結加趺坐作誠言白願我此身并納鉢
 杖久住不壞乃至經於五十七俱胝六十百
 千歲慈氏如來應正等覺出現世時施作佛
 事發此願已尋般涅槃時彼三峯便合成一
 掩蔽尊者儼然而住及慈氏佛出現世時將
 無量人天至此山上告諸衆曰汝等欲見釋
 迦牟尼佛杜多功德弟子衆中第一大弟子
 迦葉波不舉衆咸曰我等欲見慈氏如來即
 以右手撫雞足山頂應時峯坼還為三分時
 迦葉波將納鉢杖從中而出上昇虛空無量
 天人覩斯神變歎未曾有其心調柔慈氏世
 尊如應說法皆得見諦若無留化如此之事
 云何有耶有說有留化事問若尔世尊何故
 不留化身至涅槃後住持說法答所應作者

性五

六

已究竟故謂佛所應度皆已度訖所未度者
聖弟子度之有說無留化事問若尔迦葉波
事云何得有答諸信敬天神所住持故有說
迦葉波尔時未般涅槃慈氏佛時方取滅度
此不應理寧可說無不說彼默然多時虛住
如是說者有留化事是故大迦葉波已入涅槃
問經說一時作雙示道謂身下出火身上
出水身下出水身上出火此爲一心爲二心
作若一心作云何一心有相違二果若二心
作云何一時有二心俱起有說一心所作問
云何一心有相違二果答先以二心別祈水
火後住一心令其俱發前二心是轉後一心
性五
隨轉有說二心所作問云何一時有二心俱
起答由勝定力水火二心速疾迴轉似俱時
發如物攢于左手放光右手隨言分僧卧具
若時發表無容放光若時放光無容發表由
勝定力光表二心速疾迴轉似俱時發水火
二心應知亦尔

施設論說佛於一時化作化佛身真金色相
好莊嚴世尊語時化身亦語化身語時世尊
亦語弟子一時作化弟子剃除鬚髮著僧伽
胝弟子語時所化便默所化語時弟子便默
所以者何佛於心定俱得自在入出速疾不
捨所緣發自語已便發化語發化語已復發
自語以極速故似俱時發弟子心定非極自
在入出遲緩數捨所緣發自語已發於化語
化語起時自語已滅發化語已復發自語自
語起時化語已滅非極速故覺知前後問諸
大聲聞亦能如是世尊於此有何不共答佛
以一心能發二語謂自及化自語已化即語
化語已自即語極迅速故非俱謂俱聲聞一
心亦發二語謂自及化自語滅已化乃語化
說滅已自乃語非極迅速故非俱覺非俱又
佛世尊於諸智境皆得自在非諸聲聞故佛
此中亦有不共
彼復翻說佛於一時化作化佛身真金色相

好莊嚴世尊語時所化便默所化語時世尊便默弟子一時作化弟子剃除鬚髮著僧伽胝弟子語時所化亦語所化語時弟子亦語問諸大聲聞亦能如是世尊於此有何不共答佛於心定俱得自在入出速疾不捨所緣能以一心發於二語謂自及化於中欲令語者便語不令語者便默聲聞心定非極自在入出遲緩數捨所緣雖能一心發於二語謂自及化然於其中欲令一語第二亦語欲令一默第二亦默不能令其一默一語又佛世尊於諸智境皆得自在非諸聲聞故佛此中亦有不共

性五

八

契經中說佛告阿難我之神力能以意所成身倏尔至於梵世阿難白佛何其劣哉此事聲聞亦能世尊何足自歎謂所化作名意所成身聲聞亦能以此至於梵世佛若尔者有何不共世尊頗能離神通力以鹿大種父母生身於倏忽間至梵世不世尊告曰此我亦

能阿難復言此事實難願說譬喻令我信解佛言諦聽如世間鐵或餅或團置炎鑪中漸輕漸軟漸調漸淨隨意所為如是如來身隨心轉繫心於身作輕軟等想身隨心力成輕軟等事由能繫心相續勢力令所繫身運轉隨意此中有說佛盡智時得欲界無覆無記未曾得心心所法由此勢力不入靜慮不起神通纔發心時即能舉身至色究竟何況梵世有作是說世尊尔時起緣風心令身輕舉有餘師說起緣空心能令佛身所往無礙有言佛意即說此身名意所成由隨心力成輕軟等運轉事故離定通力能運此身至梵世故與聲聞別有言佛說意所成身即所化身不假定通能至梵世與聲聞別有言佛說由意勢通令所化身速至梵世此捷疾力二乘等無故佛依此自顯殊勝

性五

九

於變化心有此四句斷而不得者謂欲界繫上三靜慮果得而不斷者謂初靜慮繫初靜慮果亦斷亦得者謂欲界繫初靜慮果不斷不得者謂初靜慮繫上三靜慮果第二靜慮繫上三靜慮果第三靜慮繫上二靜慮果第四靜慮繫第四靜慮果如離欲界染最後無

間道作四句如是離初靜慮染最後無間道乃至離第三靜慮染最後無間道隨其所應各有四句
化當言有大種無大種耶答當言有大種無有現色離大種故化當言有所造色無所造色耶答當言有所造色化有二種一修得二生得修得化若欲界繫四處攝若色界繫二處攝生得化若欲界繫九處攝若色界繫七處攝由如是法成化身故化當言有心無心耶答當言無心然化有二種一修得此無心二生得此有心此中說修得化非心依故又有二種一作他身此無心二作自身此有心

此中說他身化非心依故若變化他有情身者如自身說化當言誰心所轉耶答當言化主由化主心令有表故然修得化由化主心轉若生得化由自心轉此中說修得化又作他身由化主心轉若作自身由自心轉此中說他身化

問諸化皆滅耶答修得化滅生得化有滅不滅謂天龍藥又等自身化時有異色等起此於後時異色等滅而自身在又作他身者滅作自身者有滅不滅若變化他有情身者如自身說

問諸化所食誰腹中消答此若化主所須所宜食者即化主腹中消若非化主所須所宜食者如草木等聚置一處若化他有情令飲食者隨化主意有消不消
問化身由何出煙燄等答由化主力謂諸化主欲於是處起煙起燄起煙燄峯起煙燄舍即於是處煙燄等起

性五

十

問由何化身有燒者有不燒者復以何故有燒身不燒衣燒衣不燒身俱不俱耶答由化主力謂諸化者隨意所欲或燒不燒

如契經說尊者達臘婆未羅子以神通力上昇虛空火界焚身無餘灰燼問彼尊者火焚身時為涅槃前為涅槃後答諸說有留化者

彼說涅槃後火起焚身謂彼獲得心定自在

將取滅度神力昇空於虛空中化作牀座及種種薪便以願力入火界定纔發火已即般

涅槃由此焚身令無灰燼諸說無留化者彼說命未盡火起焚身謂彼獲得心定自在將

欲滅度神力昇空入火等持令身漸死隨無

根處火起焚之乃至最後惟有心命依處如

極細毛端許乃入涅槃火亦隨滅餘毛端量所不燒者由細難知謂無灰燼

中有當言有大種無大種耶乃至廣說問何

故次化明中有答是作論者意欲示故乃至廣說有說化與中有俱是微細難可了知有

餘師說此二俱是意所成身有說此二多諸誹謗謂譬喻者說化非實分別論者撥無中有前明化是實有今明中有非無以是故次化明中有

中有當言有大種無大種耶答當言有大種無有現色離大種故中有當言有所造色無

性五

十一

所造色耶答當言有所造色欲界九處攝色

界七處攝由如是法成彼身故中有當言有

心無心耶答當言有心中有當言誰心所轉

耶答當言自心由自心力起表業故中有義

如結蘊廣說

世名何法答此增語所顯行問何故作此論

答為止他宗顯自宗故謂譬喻者分別論師

執世與行其體各別行體無常世體是常諸

無常行行常世時如諸器中果等轉易又如

人等歷入諸舍為遮彼執顯三世體即是諸

行行無常故世亦無常由是等緣故作斯論

三世義亦如結蘊廣說

劫名何法答此增語所顯半月月時年

問何故作此論答為釋經故如契經說有一
苾芻來詣佛所頂禮雙足却住一面白世尊
言佛恒說劫此為何量佛言苾芻劫量長遠
非百千等歲數可知苾芻復言有譬喻不世
尊言有今為汝說如近城邑有全段石山縱
廣高量各踰繕那迦尸細縷百年一拂山已
磨滅此劫未終苾芻當知汝等長夜經此劫
數無量百千在於地獄傍生鬼趣及人天中
受諸劇苦生死輪轉未有盡期何得安然不
求解脫彼經即是此論所依經雖說劫未分
別劫體是何今欲分別故作斯論

問何故但說半月月時年為劫不說刹那臘
縛年呼栗多晝夜以為劫耶答應說而不說
者當知此義有餘有說此中舉鹿攝細謂刹
那等細半月月等鹿若說鹿當知已說細由
積細時為鹿時故有說此中舉近攝遠謂劫
近為半月等所成半月等復為刹那等成放

說近時亦已說遠

劫體是何有說是色處云何知然如施設論
說劫初時人身光恒照以貪味故光滅闇生
於是東方有日輪起光明暉朗同於昔照見
已喜曰天光來來以天光來故名為晝須臾
未幾日輪西沒闇起如先見已歎言天光沒

性五

十二

沒故天光沒故名為夜由此證知劫體是色
劫體皆積晝夜成故如是說者晝夜等位無
不皆是五蘊生滅以此成劫劫體亦然然劫
既通三界時分故用五蘊四蘊為性

已說自性所以今當說何故名劫劫是何義
答分別時分故名為劫謂分別刹那臘縛年
呼栗多時分以成晝夜分別晝夜時分以成
半月月時年分別半月等時分以成於劫以
劫是分別時分中極故得摠名聲論者言分
別位故說名為劫所以者何劫是分別有為
行中究竟位故
劫有三種一中間劫二成壞劫三大劫中間

劫復有三種一減劫二增劫三增減劫減者
 從人壽無量歲減至十歲增者從人壽十歲
 增至八萬歲增減者從人壽十歲增至八萬
 歲復從八萬歲減至十歲此中一減一增十
 八增減有二十中間劫經二十中劫世間成
 二十中劫成已住此合名成劫經二十中劫

世間壞二十中劫壞已空此合名壞劫惣八
 十中劫合名大劫成已住中二十中劫初一
 惟減後一惟增中間十八亦增亦減問此三
 誰最久有說減劫最久增劫為中增減最促
 謂身有光時所經時久非身光減乃至于今
 食地味時所經時久非地味減乃至于今食

五

十三末

地餅時所經時久非地餅盡乃至于今食林
 籐時所經時久非從彼盡乃至于今食自然
 稻時所經時久非從彼盡乃至于今故此減
 劫時最為久如是說者初減後增中間十八
 此一十劫其量皆等於惟減時佛出于世於
 惟增時輪王出世於增減時獨覺出世

問施設論說人中四洲由日月輪以辯晝夜
 欲天晝夜云何得知答因相故知謂從天上
 若時鉢特摩華合殭鉢羅華開眾鳥希鳴涼
 風疾起少欣遊戲多樂睡眠當知今時說名
 為夜若時殭鉢羅華合鉢特摩華開眾鳥和
 鳴微風徐起多欣遊戲少欲睡眠當知今時
 說名為晝

說一切有部發智大毗婆沙論卷第三百三十五性五

塊傾對惑媚二下眉袍多六上渠姚拊下弄鳥天

頭居領臭昌救無聊下音陷咸字擺突上必

下徒弊毗祭憇去乾唯然上于赫奔上許客

亦盜錄阿若下汝悚懼上息杜多上徒圻日

反物攢未二房未芳遲緩下懸條尔上音捷疾

上才達臘下郎反灰燼下徐縱廣上足劇苦上

逆栗多上吉反籐音稻道殭盍上沒天

反栗多上吉反籐音稻道殭盍上沒天